

Ո Ր Ո Շ ՈՒ Մ N 67

վարչական տույժ նշանակելու մասին

13 ապրիլի 2022թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հայկ Միրզոյանս, քննելով Հայաստանի Հանրապետության քաղաքացի Մկրտիչ Իշխանի Խաչատրյանի (անձնագիր՝ AT0500320, ծնված՝ 02.01.1974թ., հասցե՝ ք. Եղվարդ, Պռոշյան փողոց տուն 19Ա) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Մկրտիչ Իշխանի Խաչատրյանի անվամբ 05100022/040322/0000678697 մաքսային մուտքի օրդերով 9 օր ժամկետով՝ մինչև 13.03.2022թ., Հայաստանի Հանրապետություն է ներմուծվել 2003թ. արտադրության BMW X5 մակնիշի, GV175VV պետհամարանիշի, VIN-5UXFB53544LV01033 նույնացման համարի ավտոմեքենա: Սահմանված ժամկետում նշված ավտոմեքենան չի արտահանվել, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 14.03.2022 թվականին Մկրտիչ Իշխանի Խաչատրյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Գործի քննությունը նշանակվել է 13.04.2022թ. ժամը 11:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: Մկրտիչ Իշխանի Խաչատրյանը չի ներկայացել գործի քննությանը, որևէ առարկություն, բացատրություն չի տվել:

Մաքսային միության մաքսային օրենսգրքի 281-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողությունը եզրափակվում է՝ մինչև ժամանակավոր ներմուծման ժամկետը լրանալը ժամանակավոր ներմուծված ապրանքները սույն Օրենսգրքով նախատեսվող կարգով և պայմաններով «վերաարտահանում» մաքսային ընթացակարգով ձևակերպելու միջոցով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանափակումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 18.03.2022 թվականի թիվ Ն/2-3/46108-2022 գրությամբ տրամադրված տեղեկությունների համաձայն 04.03.2022 թվականին Բավրայի սահմանային անցակետով ՀՀ է ներմուծվել 2003թ. արտադրության BMW X5 մակնիշի, GV175VY պետհամարանիշի ավտոմեքենա, իսկ քաղաքացի Մկրտիչ Իշխանի Խաչատրյանը 04.03.2022 թվականին Բավրայի մաքսային կետ-բաժնի անցակետով մուտք է գործել ՀՀ:

Մկրտիչ Իշխանի Խաչատրյանի անվամբ թիվ 05100022/040322/0000678697 մաքսային մուտքի օրդերով հայտարարագրված տրանսպորտային միջոցը սահմանված ժամկետի ավարտին հաջորդ օրվա՝ 14.03.2022թ. դրությամբ «Ներքին սպառման համար բացթողում» մաքսային ընթացակարգով հայտարարագրելու դեպքում միասնական մաքսային վճարի չափը կկազմեր 14.265.788 ՀՀ դրամ (հիմք՝ 14.03.2022թ. թիվ 634 զեկուցագիր):

Այսպիսով, վարույթի նյութերով հիմնավորվում է, որ Մկրտիչ Իշխանի Խաչատրյանը սահմանված ժամկետում չի արտահանել 05100022/040322/0000678697 մաքսային մուտքի օրդերով ՀՀ ներմուծված ավտոմեքենան, ինչով պայմանավորված՝ թույլ է տվել

ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ, ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Մկրտիչ Իշխանի Խաչատրյանին ենթարկել վարչական պատասխանատվության՝ տուգանելով 14.265.788 ՀՀ դրամ մաքսային վճարների 50 տոկոսի չափով՝ **7.132.894 ՀՀ դրամ**:
2. Որոշման մասին հայտնել Մկրտիչ Իշխանի Խաչատրյանին՝ պարզաբանելով, ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսավրոն-վարչություն, ԿՈՂ 28):

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ